

या
या



Chowdhury S. S. S.



২৩-১২-৩৬

নিউ থিয়েটার্সের নিবেদন

মায়া

সুকুমার দাশগুপ্তের 'পরজন্ম' গল্পের
ছায়া অবলম্বনে চিত্রায়িত

পরিচালক—প্রমথেশ বড়ুয়া	সহকারী: পরিচালনায়—দ্বীপী মজুমদার
বাবস্থাপক—পি. এন্. রায়	" " বিকৃতি চক্রবর্তী
সঙ্গীত পরিচালক—রাষ্টার বড়াল	" " সৌমেন মুখার্জী
পঙ্কজ ময়িক	" চিত্রশিল্পে—রবি ধর
চিত্রশিল্পী—বিমল রায়	" শব্দযন্ত্রে—শেখর দত্ত
শব্দযন্ত্রী—বাণী দত্ত	" বাবস্থাপনায়—অনাথ মৈত্র
রসায়নাগারাগারাগ—প্রবোধ গাঙ্গুলী	" " বোকেন
সম্পাদক—কালী রাহা	চট্টোপাধ্যায়
গান—অক্ষয় ভট্টাচার্য	" " পুনিষ ঘোষ

ভূমিকায়

মায়া ...	বসুনা	হরিমতি
প্রতাপ ...	পাশাঁড়ী	কৃষ্ণ দাস
শান্তা ...	সিতারা	কনকনারায়ণ
শান্তার মা ...	রঞ্জিতা	মনী বানার্জী
অন্ধ ভিক্ষুক ...	রতন দে	বিক্রম নাথার
এবং		ইন্দু মুখার্জী
আজুবি		গোপাল সিং
বোকেন চট্টোপাধ্যায়		গোপালিবালা
অহি সান্নাল		ঐত্যন্ত সেন

একমাত্র পরিবেশক

অরোরা ফিল্ম করপোরেশন লিঃ

১২৫, ধর্মতলা স্ট্রীট, কলিকাতা



মায়া—মায়া—মায়া—সংসারের জঞ্জাল মায়া! বাপ-মা-হারা
মায়া!—শান্তার দূর-সম্পর্কের বোন মায়া!—শান্তার মার গলগ্রহ
মায়া!.....

মায়া যে সংসারে কি স্থখে বেঁচে আছে—তা কেউই বোকে না।
—আরও বিশেষ ক'রে বুঝতে পারে নি শান্তা—যে-দিন সে, তার
পরলোকগত বাবার বন্ধুর ছেলে প্রতাপ তাদের বাড়ীতে এসে থাকবে
ব'লে, ঘরদোর গুছিয়ে তুলছিলো। একটা সমান্ন ঘড়ি কোথায় যে



কেতা-অনুযায়ী রাখতে হয় তাও জানে না মায়ী।—শাস্তার শিক্ষিত আধুনিক-আর্টভরা-মন বিষিয়ে উঠেছিলো। শাস্তা ভাবলে যে প্রতাপ ভাববে কি!—বড়লোকের উচ্চশিক্ষিত ছেলে—তাদের বাড়ীতে অতিথি-শাস্তার ভাবী-স্বামী! বিরক্ত হয়ে ছুটলো তাদের বাইরের কামরায়—যেখানে বন্ধুবান্ধবরা সব নিজেদের রোলস্ রয়েস্, ডেমলার গাড়ীতে প্রাতঃ ভ্রমণে বেরিয়ে জড়ো হয়েছেন.....

শাস্তা নব্য-সমাজের। তার বন্ধুবান্ধবীরা দুঃস্থের কলাপ-কল্পে স্টেজে সাহায্য-রজনীতে অভিনয় করেন। বিলেতটা তাঁদের পাশের বাড়ী বললেই হয়! 'সামাজিকতা' তাদের কাছে একটা কুসংস্কার।

প্রতাপের সঙ্গে শাস্তার ছেলেবেলা থেকেই বিয়ে হবার কথা আছে।—শাস্তার মা আর প্রতাপের মা সখী ছিলেন। কানে অশোক-যুগের কুমকো পরার মত, আজকাল, পৌরাণিকতাকে মাঝে মাঝে প্রশংসা দেওয়া, অতি-আধুনিকতার একটা অঙ্গ। শাস্তার মা আর শাস্তা, প্রতাপ আসবে বলে উদ্গ্রীব হয়ে আছেন।

প্রতাপ এলো। বড়লোকের ছেলে। বাপ এলাহাবাদ অঞ্চলেই চিরকাল বাস করে এসেছেন।—প্রতাপ সেইখানেই মানুষ।—কল্কাতায় শাস্তাদের বাড়ীতে থেকেই আইন্ পড়বে। কল্কাতার বাইরে মানুষ হওয়াতে অতি-আধুনিকতা এখনো তাকে গ্রাস কর্তে পারেনি।—তাই প্রতাপের কাছে শাস্তা আর শাস্তার মার মায়ার ওপর কঠোর ব্যবহারগুলো কি রকম অসহনীয় লাগলো। প্রতাপ বলে—“শাস্তা! মায়ার ওপর তোমার অযথা—”

কথা শেষ হবার আগেই শাস্তা বলে—“Shut up!” দৃপ্ত নারীত্বের প্রবল উচ্ছ্বাস ছুনিবার—

প্রতাপ চুপ করে যায়—বুঝতে পারে না।—প্রতাপ ত' জানে না যে নারী আজ প্রগতির পথে কতটা এগিয়েছে—মায়ী সে যুগের—।

প্রতাপ মায়ারই মত—সে যুগের।—শাস্তা দেখে 'শুনে' একদিন বললে—“সংসারে এমন অনেকে আছে যারা নিজেদের শিক্ষিত বলে পরিচয় দেয়.....কিন্তু তাদের মনগুলো খুঁজে দেখো—দেখবে কুসংসারে ভরা।.....”





শান্তা প্রতাপকে দাস্তানা দেয়—বলে, ভয় নেই—আমি তোমায়
শিখিয়ে নেবো।.....

প্রতাপ পুরুষ—তাই নারীর আধিপত্য তার কুসংস্কারপূর্ণ মনে
বিজ্রোহ আনে। সেই বিজ্রোহ নিজের মনে গুমরে গুমরে করণায়
গলে পড়ে—মায়ার ছর্গতি দেখে। মায়ার কেউ নেই—মায়া অসহায়,

নীরবে সব অত্যাচার সহ্য করে—কখনো মুখ তুলে কথা বলে না।
প্রতাপ তাই মাঝে মাঝে তাকে গান শোনায়—

“.....

এলো যদি বাদল ঘিরে
তুখের আঁধারে মগিদিপ জ্বলে
ফোটে ফুল নয়ন-নীরে—

নাহি ভয়—

হবে ভয়—

বেদনার হবে শেষ।—

শান্তা এ’সব জানতে পারে।.....

“চাকরকে ভেঁকে গান শোনানো?” তার শিক্ষিত মন ঘৃণায়
ভরে ওঠে—প্রতাপকে বলে—“চলে যাও আমার বাড়ী থেকে—”

তাই একদিন প্রতাপ দেখলে, যে, তার চলে যাবার দিন হঠাৎ
উপস্থিত হলো।—আরও হঠাৎ বুঝতে পারলে যে তার চলে যাওয়ার
প্রধান কারণ আর বাধা ছুইই হয়ে দাঁড়িয়েছে—মায়া!



‘করুণা’—‘সমবেদনা’—কখন যে প্রেমে পরিণত হয়ে উঠেছে, প্রতাপ বুঝতেই পারেনি।...তাইতে প্রতাপের চলে যাওয়ার সময়ে প্রেম দাঁড়ালো আত্মসম্মানের বিরুদ্ধে।...

শান্তা বাড়ী নেই—পীমার পাটিতে গেছে ক’দিনের জঘ।—বাড়ীতে প্রতাপ আর মায়া।...প্রতাপের ওপর লুকুম হ’য়েছে বাড়ী ছেড়ে চলে যেতে—শান্তা ফিরে এসে আর চায়না দেখতে তার মুখ। শান্তার স্বকচিত্তে নাকি দাঙ্কা লাগবে।—কিন্তু প্রতাপের ত’ লজ্জা নেই। সে মায়াকে বলে—“আমি তোমায় ছেড়ে যাব না।” মায়া বলে—“তোমার যাওয়াই ছিল, ভাল।” প্রতাপ অবাক হয়ে বলে—“কেন ?” মায়া বলে—“যে নারীর মোহে তার আত্মসম্মান—”

প্রতাপ হাসে.....

আড়াল থেকে আর একজনও সেদিন হেসেছিল—নিয়তি।...

টেলিগ্রাম এলো—পিতা মৃত্যু-শয্যায়—মায়াকে ছেড়ে প্রতাপের যেতে হলো। যাবার আগে সে ভগবানকে সাক্ষী মেনে তাঁরই হাতে মায়াকে রেখে চলে গেল। যাবার সময় চোখের জলের ফাঁকে মায়া জিগগেস করেছিলো—

“আবার আদবে ত’ ?

প্রতাপ বলেছিল—“অবিশ্বাস ?”

মায়া বলেছিল “ভয়—কারণ এত সুখ কি সয় ?”

দিন যায়—প্রতাপের বাবার অস্থখ বেড়েই চললো। প্রতাপ মায়াকে চিঠি লেখে—কিন্তু শান্তার দৃষ্টির গণ্ডী এড়িয়ে সে চিঠি আর মাযার কাছে পৌঁছায় না। শান্তা সে চিঠি পড়ে—শান্তার মা সে চিঠি পড়ে—তারপর সে চিঠি তারা ছিড়ে ফেলে দেয়.....

মাসের পর মাস কেটে গেলো—প্রতাপের বাবা মারা গেলেন। প্রতাপ ফিরে এলো.....

শুনলো—মায়াকে বহুদিন হ’লো তাড়িয়ে দেওয়া হয়েছে।

“তাড়িয়ে দেওয়া হয়েছে ?”

শান্তার মা লজ্জায় লাল হ’য়ে উঠলেন। কারণ তাঁর বাড়ীতে তিনি মাযার মত কুলটাকে আশ্রয় দিয়েছিলেন।

“মায়া কোথায় ?”

শান্তার মা কুলটাদের খবর রাখেন না।—শিক্ষিত ভদ্র-সমাজে কুলটাদের স্থান নেই। তাদের যেখানে স্থান.....এ আলোচনা শান্তা বা শান্তার মা’র কাছে অসহ্য—এ যে অতীর কুৎসিত ব্যপার।



কলকাতা মন্ত্র সহর—প্রতাপ এখানে ক্ষুদ্র মায়াকে খুঁজে পেলো না। একমাত্র খবর পেয়েছিলো এক Maternity Home’র—এক হাঁসপাতালের খাতার পাতায়। মাযার মত মেয়ের সংসারে ঐ ত একমাত্র ঠিকানা। একটি ছোট্ট ফুটফুটে ছেলেকে বুকে নিয়ে—মায়া নিশ্চম সংসারের অজানা পথে কোথায় যে চলে গেছে.....

বছর কয়েক কেটে গেছে.....

প্রতাপ এখন সহরের শ্রেষ্ঠ ব্যারিস্টার—উন্নতির চরম-সীমায়। বাইরের জীবনে প্রতাপের জোড়া নেই—তবুও প্রতাপের মনে শাস্তি নেই। তার স্ত্রী কোথায় সে জানে না!—সমাজকে সে ঘৃণা করে। সমাজকে সে ঘৃণা করে কারণ সমাজ তার স্ত্রীর কোনও খোঁজ রাখে না—রাখা আবশ্যক মনে করে না—করেও নি। তাইতেই সংসারের কোলাহল থামিয়ে রাত্রি যখন গভীর হয়ে ওঠে, তখন



প্রতাপের মনে একটি মুখ ভেসে ওঠে, আর প্রতাপের বুক ছাপিয়ে আসে তার অজানা অভাগা ছেলের উদ্দেশ্যে ঘুমপাড়ানিয়া এক গান...

সহরের প্রান্তে খোলার ঘরের সারি—গুণ্ডাদের আড্ডা—মা তালের কারখানা। কবিত্ব তার কাছে বেসে না। তারই একপ্রান্তে পড়ে থাকে এক অন্ধ ভিখারী—আর তারই আশ্রয়ে থাকে মায়া—আর তার ছেলেটা।

সকলের আড়ালে তার জীবনের সব কিছু দিয়ে মায়া ছেলেটাকে মানুষ করেছে।—মানুষের অবিচারে মায়ার আর জুগুৎ হয় না—

অন্ধ বলে—মায়া! বলনা, তোর স্বামী কোথায় ?”

মায়া বলে—“তুমি অন্ধ—অন্ধই থাকবে।”

অন্ধ বলে—“তুই ঘাবি না তার কাছে—”

মায়া বলে—“না”।

মায়ার অভিমান আছে—মায়া আর বিশ্বাস করে না মানুষকে—মায়া সংসারকে দেখে নিয়েছে—অভিমনে চোখের জলও ছুঁকোঁটা গড়িয়ে পড়ে অন্ধের হাতের উপর.....

অন্ধ কিন্তু হেসে বলে—“ভিখারীর আবার মান-অভিমান—”

মায়ার ছেলে বেণু—বড় হচ্ছে—চালাক হচ্ছে—পাড়ায় ছুঁ ছেলেদের সঙ্গে মিশে' ছুঁমিও শিখছে। এদিকে যখন পুরু-হারা প্রতাপ, অনাথ-আশ্রমের ছেলোদের খেলনা আর খাবারের সম্ভারের মাঝখানে ছেড়ে দিয়ে তাদের তৃপ্তিতে নিজে তৃপ্ত হবার চেষ্টা করে—ওদিকে তখন তারই ছেলে বস্তিতে খিদের তাড়নায় খাবার চুরি কর্তে গিয়ে ধরা পড়ে!

“মায়ার ছেলে চুরি করেছে”—চাঁৎকারে বস্তিটা ভরে উঠেছে। লজ্জা—অপমান—খোলার ঘরের মাটা থেকে শুরু করে ঐ মোড়ের পানের দোকানের সামনের ছেঁড়া কলাপাতাটা পর্যন্ত যেন মায়াকে শোনাচ্ছে—“মায়া! তোর ছেলে চুরি করেছে—হোর ছেলে চোর!”

মায়া বেণুকে বুক জড়িয়ে ধরে—চোখ তার জলে ভরে ওঠে। সেই চোখের জল ভাসিয়ে দেয় মায়ার অভিমানকে। ছেহের ভবিষ্যৎ ভেবে মায়া বলে, সে তার স্বামীর কাছে যাবে। তাইতেই ত' অন্ধের এত আনন্দ—তার মেয়ে আজ শ্বশুরবাড়ী যাবে। অন্ধ ভিখারী তাইতেই ত আজ রহিম খাঁ'র ফিটন ভাড়া করেছে।...




দূরে গাড়ী রেখে মায়া তার ছেলের হাত ধরে চললো—প্রতাপের বাড়ীর দিকে।—সাত বৎসর কেটে গেছে—প্রতাপ কি চিনতে পারবে? সে যে এখন বড়লোক, প্রতাপ কি তাকে ঘরে নেবে?—ঘরে না নিলে সে অপমান কি মায়া সহিতে পারবে?—সে যে বড় অভিমাত্রী.....

ফটকে দারোয়ান। মায়া ভয়ে ভয়ে জিগ্গেস করে—“যাব ভেতরে?” দারোয়ান বলে—“হ্যাঁ, যান।”

ফটকের ভিতরে বাগান—প্রকাণ্ড অট্টালিকা—মায়ার কাছে যেন কোনও স্বপ্নরাজ্যের রাজপ্রসাদ। সদর দরজায় মায়া ঘা দিল—চাকর—।

মায়া বললে—“বাবুকে বল, একটা মেয়ে আর তার ছেলে দেখা কর্তে এসেছে—না—না—বোলো যে একটা ছেলে আর তার মা দেখা কর্তে এসেছে”—

দরজা বন্ধ হয়ে গেল—মায়া দুয়ারে দাঁড়িয়ে...। বড় লোকের চাকর। সে ভাবলে, বাবু যাবেন সিনেমায়—ভিথিরী বিরক্ত কর্তে এসেছে। তাই সে নিজেই স্থির করে নিলে যে দেখা হওয়া উচিত নয়। মায়াকে এসে বল—“বাবুর সময় নেই—ভিথিরীর সঙ্গে দেখা করবার”—.....



মায়ার স্বপ্নপূরী বাস্তবে এসে মিলিয়ে গেল।—মায়া আবার ফিরে গেলো.....

খোলার ঘরের আড়ালে সংসারের বিক্রম মাথায় নিয়ে মায়া দিন কাটায়—তার ছেলের মুখের পানে তাকিয়ে।—সংসারে বেণুই তার একমাত্র অবলম্বন।—তাঁও বৃষ্টি সইল না.....

গুণ্ডার দলের একজন খবরের কাগজে দেখলে যে কে একজন বড়লোক একটা ছেলেকে পোষ্য নিতে চায়।—মায়ার ছেলের কথা সে ভাবল—আর ভাবল—মদের বোতল—টাকার তোড়া.....

সেই রাত্রে ভিৎকে থেকে ফিরে এসে মায়া দেখলে—তার বেণু নেই!—তার ছেলে নেই!.....

গুণ্ডার আড্ডায় সে দিন মদের স্রোত বয়েছে.....মায়া ছুটে গেল তাদের মাঝখানে.....তুলে—চেবো—সবাই আজ আশ্র-হারা—আনন্দে—নেশায়.....হেবো বললে—বেণু? সে ঐ পাশের ঘরে ঘুমুচ্ছে—আয়—দেখু বি আয়”.....

মায়া ছুটলো—পাশের ঘরে—ফিরে দেখে দরজার খিল বন্ধ করে হেবো দাঁড়িয়ে হাসছে—হাতে মদের বোতল। মুখে—“আমি তোকে ভালবাসি, মাইরি.....

ভীষণ আওয়াজ—অর্ধনাদ—দরজা ভেঙ্গে সর্দার দেখে যে হেবো মাটিতে পড়ে—রক্তগঙ্গা—আর মায়া খালি বলে—“আমার ছেলে কোথায়—।” ওপরে শুধু ভগবানই দেখেছিলেন যে হেবো নিজেই পড়ে গিয়ে বোতলের টুকরো লেগে গলা কেটে খুন হয়—কিন্তু মানুষ আর ভগবানে তফাৎ আছে। তাই সবাই মায়াকে খুনী বলে পুলিশে ধরিয়ে দিলে।

তাই মায়া আজ—স্বামী-হারা, পুত্র-হারা, খুনী.....

তারপর?.....তারপর...নিশ্চয় বিচারালয়। নিয়তির স্রোত তাকে টেনে নিয়ে গেল!

কোথায়?

গান

(১)

আজি মোর প্রভাত বেলা
নামিল কি শাঁকের আঁধার ?
কি জানি কি হ'ল আমার !
অলোর স্বপন গেল কি মুছিয়া
বুঝিবা নামিল মেঘের ভার ॥
কি জানি কি হ'ল আমার ॥

গেয়ে যা—ওরে মন এবে মিছে ভয়,
গেয়ে যা।
চোখের জলে ভাসিয়ে তরী বেয়ে যা ॥

এলো যদি বাদল বিরে—
ঊষের আঁধারে মনিদীপ অলে—
ফোটে জ্বল নয়ন-নীরে ॥
নাহি ভয়
হবে জয়
বেদনার হবে শেষ ॥

রাত্রি বেথায় ওগো মায়ায় ভরা
সেথায় তুমি বুঝি দিলে ধরা—
(মোর) হিয়ার হিয়া তুমি এলে
দ্বিরে ॥

(২)

কে তুমি গো, কে তুমি গো।
স্বরে সুরে, ঘুম দিয়ে যাও।
তুমি যে মায়াবী স্বপন—পথে আসি
আমার কলরাবী খুলিয়া নাও ॥
নয়ন মেলিয়া চাই, তুমি তো
কোথাও নাই।
বীশরী হার
পথে লুটায় ॥

(৩)

মাধবী গো
জাগো আজি
তোমার বঁধু—
এলো কিরে
সাজাও তব
চুলের সাজি ।

আকাশে চাঁদ
চাহে তারায়
তুটিনী আজ
সাগরে চায়
রাতের হিছায় ।
মিলন-বানী
শুনিছ কি
গেল বাজি' ?

(৪)

আয়রে ঘুম নয়ন ছেয়ে।
পরীর দেশে থোকন যাবে
স্বপন খেয়া বেয়ে বেয়ে ।

(৫)

সাধ আগে মোর চাঁদেরে ছুই
পঙ্খীরাজে চ'ড়ে,
এক পেয়ালা টানলে পরে হুয় না
দে-কাজ ওরে ।
মাটির ভাঁড়ে ঢালাই সরাব
তুলে রইগো সকল অভাব
মদের পিপে হই বেনরে আর জনমে মরে ॥



(৬)

আকাশের চাঁদ বুঝিবে শতক হ'য়ে
এ ধরণীর ধূলির 'পরে ।
হারিয়ে আমার মনের চাঁদে
পড়ল রবে, শিশু মনের স্ব্বাসে মোর পরান
ওঠে ভরে ॥



Edited & Published by Hemanta Kumar Chatterjee for & on behalf of the
New Theatres Ltd., 171, Dharamtala Street, Calcutta.

Printed by Sukumar Dutta At the Mahajati Art Press,
136B, Ashutosh Mukherjee Road, Calcutta-25.